

史記注補正
古今考
史漢駢枝
讀史漫筆



史
漢
駢
枝

成
拙
撰

中
華
書
局

叢書集成初編

史記注補正（及其他三種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

史漢駢枝

此據史學叢書本
排印初編各叢書
僅有此本

史漢駢枝

清 賈應成 撰

史記五帝本紀登丸山。集解徐廣曰：丸一作凡。駟案地理志曰：丸山在郎邪朱虛縣。正義丸音桓。括地志云：丸山卽丹山，在青州臨朐縣界。朱虛縣西北二十里。丹水出焉。丸音執。守節案地志唯有凡山，蓋凡山丸山是一山耳。諸處字誤，或凡或丸也。漢書郊祀志云：禪丸山。顏師古曰：在朱虛，亦與括地志相合。明丸山是也。今案水經巨洋水篇：巨洋水出朱虛縣泰山北，過其縣西注巨洋水，北流逕朱虛縣故城西。漢惠帝二年，封齊悼惠王子劉章爲侯國地。風俗記曰：丹山在西南，丹水所出，東入海。丹水由朱虛邱阜矣。城東北二十里有丹山，世謂之凡山。縣在西南，丹凡字相類。晉從字變也。正義據地志定作凡，是也。唯云地志唯有凡山，此則唐本漢志之誤。集解引地理志稱襄氏所見本作丸，可據以正。唐以後諸本之譌。徐堅初學記九引史記作桓山。丸桓音同。據此知唐本史記作丸不作凡。正義合。鄭善長謂丹凡字相類，晉從字變。古今晉皆丹丸相近，其讀丹近凡者，偏隅之俗音耳，不足取證。鄭氏又據風俗記謂丹水由朱虛邱阜。括地志朱虛故城在臨朐縣東六十里，以今與地案之，丹水所出山在朱虛故城西北，則風俗記丹山在西南，南當爲北字之譌。丹水東北流，不得轉向南由朱虛矣。據正義引括地志謂丸山在朱虛故縣西北二十里，則鄭注城東北二十里有丹山之說亦誤。略史後紀注引十道志：沂山縣之沂山也。又云：或東泰山卽沂山。沂山今之雕崖山，水經謂之艾山。東泰山水經亦稱

泰山。鄭注謂之東小泰山。皆於九山無涉。其說豈非。

西至于空桐。登雞頭。集解。空桐應劭曰。山名。韋昭曰。在隴右。索隱。雞頭山名也。後漢王孟塞雞頭道。在隴西。一曰崆峒山之別名。正義括地志云。空桐山。在肅州祿福縣東南。抱朴子內篇云。黃帝西見中黃子。受九品之方。過空桐。從廣成子受自然之經。卽此山。括地志又云。笄頭山。一名崆峒山。在原州平高縣西百里。禹貢涇水所出。輿地志云。或卽雞頭山也。鄭元云。蓋大隴山異名也。莊子云。廣成子學道崆峒山。黃帝問道於廣成子。蓋在此。案二處崆峒皆云黃帝登之。未詳孰是。今案平高故縣。卽今甘肅固原州治。漢書地理志安定郡涇陽。開頭山在西。禹貢涇水所出。開頭卽雞頭。亦名薄洛山。淮南子墜形訓。涇出薄洛之山。許慎曰。薄落山一名峴頭山。續漢書郡國志安定郡烏支縣。有薄洛谷。晉或轉爲牽屯。十六國春秋西秦錄。乞伏結權曰。高平遷於牽屯是也。今俗名曰箕裘湫。亦以聲轉而譌。括地志謂笄頭在平高西百里。西當爲南字之誤也。鄭氏曰。大隴山之異名。卽涇水注。崇文總目稱水經已佚五卷。此注亦在其中矣。太平寰宇記於平高縣亦引之。亦名高山。寰宇記百泉縣涇水下。引水經涇水出安定涇陽縣高山。注云。山海經曰。高山。涇水出焉。亦稱涇谷。元和郡縣志。涇水源出百泉縣西南涇谷。祿福故縣。卽今肅州治。在州原州西北。遠甚。括地志前說非也。索隱一曰崆峒山之別名。致崆峒古祇作空桐。當是隴西地名。非山也。史記於九山偕宗雞頭熊湘。竝繫以登。而東至于海。西至于空桐。南至于江。空桐但與江漢類列。則其爲地名而非山可知。韋昭曰。在隴右。索隱前說云。在隴西。最合。應劭及索

隱後說，竝非也。前說崆峒山在大統之西，又西十里，乃筭頭山也，亦似是而實非。至莊子稱廣成子學道崆峒山，崆峒本作空同，其稱空同山，蓋以其山在空同，因以地名，名其山，猶涇水出薄落谷，因目其水爲薄落水也。而司馬紹統復以北戴斗極之空桐當之，不知爾雅之空桐在極北，與黃帝所至非一地，不可混而同之也。

登熊湘集解封禪書曰：南伐至于召陵，登熊山。

山上各本無耳字

地理志曰：湘山在長沙益陽縣，正義括

地志云：熊耳山在商州上洛西，齊桓公登之以望江漢也。湘山一名鰲山，在岳州巴陵縣南。今案春秋僖公四年盟于召陵，杜預注：潁川縣也。晉召陵故縣，在今河南鄆城縣東三十五里。今尚有召陵岡，是其遺址。封禪書南伐至召陵，登熊耳山，以望江漢。索隱：荊州記：益陽東北有熊耳山。齊桓公太史公竝登之，或云弘農熊耳，非也。攷封禪書之熊耳山，卽漢志所稱弘農郡盧氏熊耳山，在東者是。今河南宜陽縣西接永寧縣界，有熊耳山。後漢建武三年，赤眉積兵宜陽城西，與熊耳山齊，是其地東南距召陵岡僅數百里。故桓公至召陵，得登之以望江漢。楚世家：齊桓公以兵侵楚，至涇山，卽左傳所謂次于涇，是正義引括地志云：涇山在鄭州西南一百一十里。此山今在新鄭縣西南，與犬隴山竝峙，適當鄆城召陵西北。宜陽熊耳東南，亦其證矣。若黃帝所登熊山，亦名熊耳山，在今湖南益陽縣西。桓公伐楚，當楚文王之十六年，是時楚都郢，在今湖北荊州府治北。桓公伐楚，但至楚北境，卽盟而還，焉得南踰楚都三百里，以登益陽之熊耳乎？索隱以益陽熊耳釋桓公所登之熊耳，而謂弘農熊耳爲非，抑近疏矣。

黃帝所登熊耳。與湘山相近。自當以在益陽者爲是。而集解復引封禪書桓公所登者釋之。亦誤。至正義引括地志曰。在商州上洛西。齊桓公登之以望江漢。此熊耳。則漢志所稱弘農上雒熊耳。獲輿山在東北者也。今在陝西商州西南。在宜陽熊耳西南數百里外。去召陵陘山太遠。非桓公所登明矣。則括地志亦非也。湘山。漢志謂在益陽北。正義則以編山當之。攷秦始皇本紀。浮江至湘山祠。逢大風。幾不得渡。上問博士曰。湘君何神。博士對曰。聞之堯女舜之妻而葬此。於是始皇大怒。使刑徒三千人。皆伐湘山樹。赭其山。水經湘水注洞庭湖中。有君山。編山。湘君之所遊處。故曰君山。昔秦始皇遭風于此。而問其故。博士曰。湘君出入則多風。秦皇乃赭其山。東北對編山。兩山相次。去數十里。據此。則湘山編山。本屬二山。湘山自是君山之別名。正義合湘山編山而一之。殆非也。

江水正義括地志云。安陽故城在豫州新息縣西南八十里。應劭曰。古江國也。地理志亦云。安陽。古江國也。今案安陽。兩漢志竝屬汝南郡。故城在今河南汝寧府正陽縣西南。新息故縣。即今河南光州息縣治。正陽息縣。竝在故安陽東北。江國。路史國名紀以爲少昊後。嬴姓。而黃帝後姬姓國。別有江水。正義以少昊後之江。國釋江水。疏矣。而路史復于江水下注云。玄囂國若之下流。沘水也。今蜀州。蜀州今爲四川成都府崇慶州地。若水。今之鴉礪江。其下流至西昌縣西。號曰打冲河。又東南至會理州。西與金沙江合流。即水經所謂南過越巂邛都縣西。直南至會無縣。淹水東南流注之者也。皆不經故蜀州境。路史既謂古江水國在蜀州。而又以爲若之下流。亦失之。

若水索隱。江水若水。皆在蜀。卽所封國也。水經曰。水出旄牛嶺外。東南至故關爲若水。南過邛都。又東北至朱提縣。爲盧江水。是蜀有二水也。今案郾元若水注。若水沿流。間關蜀土。黃帝長子昌意。據史記其其二曰昌意。德劣。不足紹大位。降居斯水。爲諸侯焉。娶蜀山氏女。生顓頊。于若水之野。若水今爲鴉龍。則長子顓頊。據下文稱若水東南流。鮮水注之。準之地望。鴉龍江自霍耳章谷土司以北。皆東南流。以南則否。然則古江水國在霍耳章谷土司西北可知。羅長源謂江水國在蜀州。以鳥道法計之。西北距霍耳章谷土司。僅四百餘里。則江水正指岷江。而小司馬引水經。而云蜀有二水。其意蓋以盧江爲江水。不知盧江在朱提。今爲敘州府宜賓縣西南地。在故蜀州南數百里外。西北距故若水國千有餘里。相去太遠。不可從。

江。淮。荊州。正義。淮讀曰匯。晉胡罪反。今彭蠡湖也。本尉荊州。尙書云。南入于江。東匯澤爲彭蠡。是也。今案東匯澤爲彭蠡。不得稱彭蠡爲匯。淮當如字讀。江。淮。荊州。謂江淮之間。古荊州之地。不東涉揚州地也。冀州。正義。蒲州河東縣。本屬冀州。宋永初山川記云。蒲坂城中有舜廟。城外有舜宅及二妃壇。括地志云。媯州有媯水。源出城中。舊傳云。卽舜釐二女於媯汭之所。外城中有舜井。城北有歷山。山上有舜廟。未詳。案媯州亦冀州城。是也。今案自史公謂舜爲冀州人。張守節遂以河東當之。不知孟子明云舜東夷之人。又云地之相去千有餘里。河東於中國偏西。與東夷之說不合。且河東西距岐周。僅數百里。亦與千有餘里之說不合。史公稱舜耕歷山。漁雷澤。陶河濱。作什器於壽邱。就時於負夏。歷山。水經。瓠子

河注雷澤西南十許里。有小山，謂之歷山。澤東北有陶墟。郭緣生言舜耕陶所在。郡國志濟陰郡成陽。劉昭注引帝王世紀舜耕歷山漁雷澤。濟陰有歷山雷澤。地理志謂在濟陰郡成陽西北成陽故縣。在今山東曹州府治東北河濱。大河未徙時，流逕大伾東，卽其處。壽邱或卽陶邱。負夏鄭康成以爲衛地。皆在曹濮間。西距岐周一千餘里。正與孟子合。無可疑矣。或以禹貢冀州三面距河，雷夏澤在兗州城。與史公冀州之說不相應。竊謂唐以前九州疆域不必盡同。禹貢雖指云：蓋自羲農以迄唐堯，竝爲九州。但其州名與疆域容有不同。故黃帝顓頊亦稱建置。日知錄云：夏商以後，沿上世九州之名，各就其疆理所及而分之。故每代小有不同。周禮量人掌建國之法，以分國爲九州。曰：分，則不循於其舊可知矣。然則唐堯時冀州，容有河外地與。

楚世家：文王二十六年滅英，正義：英國在淮南，蓋蓼國也。不知何時改名。今案正義非也。左傳文公五年：楚公子燮滅蓼。魯文公五年：於楚爲穆王之四年。世家下云：穆王四年滅六蓼。六蓼，皐陶之後。正與左傳合。

項羽本紀：烏江亭長橫船待。錢氏曉微攷異云：橫當從鄒氏本作樣。樣與漾同。今案此說非也。說文：橫，榦也。榦，築牆耑木也。榦所以正船體，故引信爲凡正之稱。時，榦不處方。薛君章句：榦，正也。易文：冒傳：貞者，事之榦也。貞亦正也。幹榦同。爾雅釋詁：儀，榦也。儀，卽橫之通假字。裴駟集解云：應劭曰：橫，正也。孟康曰：附也。附船著岸也。如淳曰：南方人謂整船向岸曰橫。說與爾雅說文合。如訓義亦相近。孟釋爲附，意少

隔矣。玉篇中木部檣下引史說曰：烏江亭長檣舟待項羽。字正作檣。漢書項籍傳亦作檣。文選左太冲蜀都賦：輕舟剡澗。林注：南方俗謂正船迴濟處爲檣。項羽傳曰：烏江亭長檣船待羽。釋檣字與應如義近。其引檣作檣，雖從木從舟小異，然卽此亦足徵其作檣不作樣矣。說文：樣，樹實也。漾水出隴西顯道，東至武都爲漢，徧致輕傳，無訓樣漾爲治舟者。鄭誕生本恐未可從。

律書：牛者冒也。攷異云：牛，牙音之收聲。冒，唇音之收聲。聲不類而轉相訓者，同位故也。今案古人用韻，惟雙聲疊均二者而已。錢氏此說，似近皮傅。牛古音疑，今音宜求切。冒古音在尤幽部，竊疑牛有兩音。淮南說苑：易林，皆興之昭同用。王褒九懷：復謂州修游流，休悠浮求。轉傳訛，故史記龜策傳韻謀期來而律書復韻冒卽其例與。

漢書地理志：泰山郡戶口下云：有工官。汶水出萊毋，西入濟。萊蕪縣下云：禹貢汶水出，西南入泲。桑欽所言：錢氏曉微謂萊蕪下衍字。錢氏獻之謂泰山郡下後人所加。今案小錢是也。說文：桑欽說汶水出泰山萊蕪，西南入泲。鄭注禹貢引地理志：汶水出泰山萊蕪原山，西南入濟，竝與萊蕪下合。證一：班書述漢郡縣名例不改字。縣名萊蕪，而泰山郡下乃作萊毋，是自亂其例矣。證二：本志凡稱泲河，惟兗州泲于泲，漯通于泲，東流爲泲川，曰河。泲河南郡熒陽有狼湯渠，首受泲。東郡臨邑有泲廟。壽良泲上有胸城。陳留郡封邱濮渠水首受泲。泰山郡萊蕪，留水所出，東至博昌入泲。齊郡臨淄如水西北至梁鄒入泲。字皆作泲。惟濟陰濟南濟陽諸郡縣名乃作濟。且萊蕪下明作泲。泰山郡下不當又作濟。尤確徵也。

證三。志例水名皆係之縣下。無於郡下稱某水出某水入者。惟廬江郡下云。金蘭西北有東陵鄉。灌水出廬江陵陽東南。北入江。志無金蘭縣。故係於郡下。其稱廬江。則以釋郡名也。而陵陽下亦不複述。濟陰郡下云。定陶禹貢荷澤在定陶東。定陶爲郡治。故係之郡下。汶水入濟。皆不在此例。其爲後人屬入無疑。證四。顏縡不悟其舛。而猶注云。汶音問。毋與無同。抑無識矣。王氏鳳嗜譏班氏爲重複尤繆。尤失之。

樂浪郡含資帶水。西至帶方入海。顧氏方輿紀要云。帶方在平壤南。今案帶水。卽今朝鮮平壤城南黃州城北之黑河是也。含資故縣在平壤南。志云。至帶方入海。則帶方當在平壤西南。紀要謂在南。恐非。張掖郡鑿得千金渠。西至樂官入澤中。錢氏獻之。斟注云。千金渠。今永昌衛河入澤。入居延澤也。今案居延澤是也。永昌衛河說非。千金渠蓋今之擺通河。鑿得故縣在今張掖縣西北。擺通河西南來。流逕其地。樂官故城在肅州東。高臺縣北。西正當擺通河入山丹河之處。山丹河卽古弱水。其下流卽古居延澤。故云入澤中。若永昌衛河。卽今之水磨川。北潞爲沙喇泊。不入居延澤。且永昌於漢隸刪丹。不隸鑿得。其說非也。

巴郡宕渠。不曹水出東南。北入潛徐谷。今案此爲譌誤。當云不曹水出東北徐谷。南入潛。宕渠故縣在今順慶府渠縣東北。不曹水卽今巴江。潛卽渠河。準之地望正合。而水經注云。縣西北有不曹者。漢志以今通江水爲正源。水經則以南江水爲正源耳。

吳王濞傳。吳有豫章郡銅山。卽招天下亡命者。盜今本史記作盜非是文選鑄錢云云。師古注引韋昭曰。此有豫字誤也。但當言章郡。今故章也。案傳文當有豫字。歟。證有三。下文云及削吳會稽豫章郡。蓋以其盜鑄錢故削之。證一。史記吳王濞傳。吳有豫章郡銅山。正有豫字。證二。漢志廣陵國廣陵。江都易王非。廣陵厲王胥。皆都此。并得鄣郡而不得吳。晉書地理志云。景帝封皇子非爲江都王。并得鄣會稽郡而不得豫章。亦以濞鑄錢故。不以封非。證三。韋說失之。

續漢書百官志。劉昭注補引漢官曰。百石卒吏二百五十人。惠氏定字補注引朱錫鬯曰。黃霸傳補左馮翊二百石卒吏。今案惠氏所引朱說。卽漢魯相乙瑛請置孔廟百石卒吏碑跋。見曝書亭集。字正作史。惠引作吏。誤也。黃霸傳亦作吏不作史。而今本百官志注補作吏者。蓋史吏二字。形似易混。史記孔子世家。嘗爲季氏史料。量平。索隱曰。季氏史一本作委吏。詩靜女傳。必有女史彤管之譌。正義引定本集注云。女吏皆作女史。是其證。漢官本作卒史。今本注補誤爲卒吏耳。前漢兒寬傳。補廷尉文學卒史。儒林傳。請選擇其秩比二百石以上。及吏百石通一藝以上。補左右內史大行卒史。比百石以下。補郡太守卒史。皆各二人。今孔廟中有孔子廟置卒史碑。云請置百石卒史。正作卒史。與朱跋合。儀禮士冠禮注。今卒史及假吏。沈氏冠雲。書亦以爲卒吏當作卒史。竝足正吏字之譌。

後漢書東夷傳。東沃沮。在高句驪蓋馬大山之東。李賢注。蓋馬縣屬玄菟郡。其山在今平壤縣西。平壤城卽王險城也。今案王險城卽古朝鮮縣。於兩漢屬樂浪郡。與玄菟郡不相屬。蓋馬大山。當在今靈陽門。

史侯劉枝

之東境，車懷以爲在平壤西，恐非。